

Jü Carta Guosa Huëpo San Juanta Jïojtekähui

Jü lütüria éntok jü yore nákuame

¹Ínapo Juan, jü yöturi, émoune tebote, empo jámmut yeu púari, éntok jume em asoammehui. Tua lütüriapone enchim nákke, éntok kaa ínapo jíbba, síme huame lütüriata täyame kétchi. ²Ínapone enchim nákke, Diosta lütüria itom täyakä béchïbo. Ìri Diosta lütüria jíba béchïbo itot aika. ³Tua tühua éntok yore ä jïokolihuame éntok yanti jíapsíhuame enchimmaktunake, jü Dios Áchayta bétana, éntok itom Señor Jesucristota huämi, jü Dios Áchayta Üusi, ä lütüria pámani, éntok enchim ä náké pámani.

⁴Tüisine al-leaka taahuak, huate em asoam bíchaka éntok am jüneriaka jum Diosta lütüria páman am katéhui, huam Dios Áchayta itom sáhué pámani. ⁵Én éntokne chikti ín jíapsimak emou nooka, empo jámmut, nánancha itom ito náknake tíaka. Ì nésahui ín emou jïojtëu kaa bemela, hua kësam huëpo naateka itom át sáihuäu jíbba. ⁶Ìri ájãria jü enchim át sáihuähui: Enchim emo náknakëhui, kësam huëpo naateka

enchim ä jíkkajäpo bénasi. Kíaliku jü yore nákeme Diosta nésau johua, juka ito nák sáihuähui.

Jume yore bäitättähuame

⁷Juebénaka yore bäi táttähuame ániat yeu sákala, juka Jesucristota, Diosta Üusi, kaa yorem takahuaka ím buíapo ä yebij-la tíame. Júkãi nokame, jüri ájãria jü yore bäitättähuame, jü anticristo. ⁸Emóem suaya, kaabe enchim bäitãunake. Huaka enchim tékil bėjhuä; katem ä tãru báare. Yumãlasem juka enchim kobari mabetnáke.

⁹Kía jábe júne sékãna bíchaa au näyotekame, éntok kaa Cristota doctrinapo jíba anetek, kaa Diosta jípure, të jü Cristota doctrinapo jíba aneme, ìri Dios Áchayta jípure éntok ä Üusihua. ¹⁰Jábe íkãi doctrinata kaa huériaka enchimyeu yepsako, katem enchim jóapo ä mamabeta, éntok katem ínel au jiaahua: “Al-leake yepsa.” ¹¹Bueítuk hua junëli áu jíakame, juka ä juëna tékil áamak átteaka tatahua.

Enchimmeune hue báreka éiya

¹²Juebenakne enchimyeu jïojtebãare jïöbe, të kaa tintayi

entok jiösiapo ä jöjte báare,
bueitukne enchimneu nóiti báare.
Pújbapo enchim bíchaka nok
béchiibo, bueituk jü Diosta bétana
itom al-leäu au chupanake.

¹³Jü iglesia, enchim
iglesiammak hueri joomem,
enchim bénasi yeu púarim,
enchimhhuim tebote.
Júnentunake.